

ՋԵՂԶՈՒՄԸ ՄԻԱԿԱԶՄ ՆԱԽԱԴԱՍՈՒԹՅՈՒՆՆԵՐՈՒՄ

Միակազմ նախադասությունների առանձնահատկությունն այն է, որ կազմված են միայն մեկ գլխավոր անդամից, որը լինում է բայ կամ գոյական, կամ գոյական առում ստացած այլ խոսքի մաս: Դրանք էլ կամ ստորոգյալի, կամ ենթակայի դեր են կատարում: Այդ նախադասությունները ժողովրդի հազարամյակների լեզվամտածողության արդյունք են՝ պատկերավոր, խորիմաստ, հակիրճ, թևավոր ու դիպուկ, հաճախ՝ լեզվաոճային, հուզարտահայտչական հարուստ միջոցներով: Դարավոր մտածողությամբ ժողովուրդը այնպես է հղկել, համառոտել իր մտածողությունը, որ կարողացել է ստեղծել առանց ենթակայի կամ ստորոգյալի նախադասություններ: Հաճախ զեղչել է մաս բառակապակցություններ, այլևայլ մտքեր:

Խոսքի գեղեցիկ ու պատկերավոր դարձնելու հետ մեկտեղ նախադասության այլևայլ անդամների զեղչումը այն կարևորություն ունի, որ ստեղծվում է տեղի ու ժամանակի, բառերի զգալի խնայողություն:

Միակազմ նախադասությունների կարևոր առանձնահատկությունը մաս այն է, որ դրանք այնպիսի կուռ ամբողջություն են կազմում, որ այլևս անհնար է որևէ փոփոխություն կատարել, այսինքն՝ ավելացնել կամ ենթակա, կամ ստորոգյալ: Այդպիսի փորձ անելու դեպքում իսկույն խախտվում է նախադասությունների էությունը, կորչում են ժողովրդական լեզվամտածողությունը, պատկերավորությունը, և նախադասությունը զրկվում է իր հիմնական էությունից՝ միակազմ ու շարահյուսական ինքնուրույն ու անկախ միավոր լինելուց և դառնում է երկկազմ նախադասություն:

Միակազմ նախադասությունների վերաբերյալ՝ արժեքավոր ուսումնասիրություն են կատարել Գ. Ջահուկյանը¹, Ս. Արքահամյանը², Վ. Առաքելյանը³, Ռ. Իշխանյանը⁴: Նրանք ուսումնասիրել, բնութագրել են այդ նախադասությունների կառուցվածքային, իմաստային առանձնահատկությունները և կիրա-

¹ Գ. Ջահուկյան, Ժամանակակից հայերենի տեսության հիմունքները, ԳԱ, 1974, էջ 371-379, 394-396:

² Ս. Արքահամյան, Ժամանակակից հայերենի քերականություն, «Լույս» 1969, էջ 330-354:

³ Վ. Առաքելյան, Հայերենի շարահյուսություն, հատ. 2, էջ 58-79:

⁴ Ռ. Իշխանյան, Արդի հայերենի շարահյուսություն, Պետհամալսարան, 1986:

ռական նշանակությունները: Ա.Գյուլբուդադյանը⁵ միակազմ նախադասությունների ուսումնասիրությանը նվիրել է առանձին աշխատություն: Հեղինակն ընդհանրապես հարցերի քննությունը կատարել է բավարար մակարդակով: Սակայն նույն սկզբունքով չի վերաբերվել բառ-նախադասություններին, դրանց մասին խոսել է շատ համառոտ: Այնինչ բառ-նախադասություններն ունեն տեսական ու գործնական մեծ նշանակություն և լայն կիրառություն:

Միակազմ նախադասություններն ըստ իրենց արտահայտած իմաստների մի քանի տեսակի են՝ բայական, անվանական, բառ-նախադասություն: Քննության առնենք դրանք առանձին-առանձին:

Բառական նախադասությունները ենթակա չունեն, քանի որ դրանց գործողությունը չի վերաբերում մեկ անձի կամ անձանց: Դրանք ժողովրդի դարավոր կենսավորձի, նրա մտածողության արտահայտություններն են, որոնք դարձրել են ընդհանրացումներ և զրկվել կոնկրետությունից: Այդ նախադասությունների կազմում են մեծ կշիռ ունեն անորոշ դիմավոր նախադասությունները, որոնք գերազանցապես արտահայտվում են հոգնակի երրորդ դեմքով: Օրինակներ՝ *Ասում են* մի օր ես օրորոցում մի պառավ դերվիշ մեր տունն է գալիս... / Թեժ, III, 91/: *Ասում էին*, որ ես արդեն հարսնացու եմ, որ ինձ համար այս ու այն երիտասարդը առաջարկություն է անում, որ ես շատ գեղեցիկ եմ / Մուր., Երկեր, 306 /: *Քեզ հարցնում են՝ տա՞ն է, թե չէ* / Թ., Երկեր, I, 318 /: Էնպես պատահեց, որ մեր գյուղում ուսումնարան բաց արին / նույնը, 409 /: *Քաշում են տանիք, քաշում են դռնիք* / Թեժ, III, 73 /: Պսակեցին Սարոյին, տվին չոբան Կարոյին / Թ. Երկեր, I, 12 /: *Ասում են՝ Ուռին աղջիկ եր ինձ պես* / Թեժ, III, 88 /: *Հրեղեն ձի սրան կասե՞ն* / ԱԲԵ, I, 1/: *Հարուստի հագին չոր տեսան, ասին՝ շնորհավոր, աղքատի հագին տեսան, ասին՝ որտեղի՞ց է* / առած/: Այդպիսի նախադասությունները ժամանակին ունեցել են ենթակա՝ մարդ բառով արտահայտված: Ներկայումս էլ մարդ բառը գործածվում է նույն ձևով, բայց առանց ենթակայի իմաստի, իսկ նախադասությունները դարձել են անորոշ դիմավոր: Օրինակներ՝ *Վե՛ր կացեք, վե՛ր*, ամբողջ գիշեր մարդ է գնում ու գալի / Թեժ, II, 55/: *Մեր ապրուստն ի՞նչ է, մի կտոր չոր հաց , է՛ն էլ հրեն հա՛*, *երկնքից կախված, մարդ , որ նրա երեսը պահի՞* *նրա ապրուստն ի՞նչ պետք է լինի* ... / Թեժ, III, 72 /: *Մարդ վուր ըլի նու ու այիբ, էրկու բեն* / Սայաթ-նովա, 66, 1959 /: *Մարդ կա՛ ելել է*

⁵ Ա. Գյուլբուդադյան, միակազմ նախադասությունները ժամանակակից հայերենում, Երևան, 1967:

շալակն աշխարհի, մարդ ել կա՝ աշխարհը շալակած է տանում /Պարույր Սե-
վակ/։ Մարդ չի իմանում, թե վաղը ի՞նչ կգա իր գլխին /առած/։ Բերված
օրմակներից ոչ մեկում մարդ բառը ենթակայի դեր չի կատարում։ Պարզ
նկատելի է, որ այդ նախադասությունները նույնպես անորոշ դիմավոր, անեն-
թակա նախադասություններ են ։

Անորոշ դիմավոր նախադասությունների շարքն են դասվում այն նախադա-
սությունները, որոնց ստորոգյալը դրվորմ է եզակի երկրորդ դեմքով և միա-
ժամանակ արտահայտում է 1-ին և 3-րդ դեմքի իմաստ, որի համար էլ կոչվում
են ընդհանրացնող դիմավոր։ Այդ նախադասությունները առավելապես ժողո-
վրդական լեզվամտածողության արտահայտություններ են՝ առականեր, ասաց-
վածքներ, ինչպես՝ «*բան է, թե որ չտա սիրով, աչքը հանիր, խլիր գոռով* /Թեժ. II,
271 / Ի՞նչ անես, ախպեր, ումի՞ց խռովես /Թեժ. III, 70 / : *Աչքը թեքեցիր՝ բանիդ
տերը չես* / Թեժ. , III , 73 / : Ու չես իմանում՝ որ կողմը թռչես /նույն տեղում/ : *Մի
լինի ուրազի պես, միշտ դեպի քեզ, միշտ դեպի քեզ, այլ եղիր սղոցի պես՝ մին
դեպի քեզ, մին դեպի մեզ* /Թուճ., / : Ինչ որ անես, կգա դեմդ /առակ / և այլն ։

Անդեմ նախադասություններում նույնպես գործող անձը կամ ենթական
բացակայում է, նրա կարիքը չի զգացվում , առկա է միայն գործողությունը։ Այս
նախադասությունները հիմնականում արտահայտվում են եզակի 3-րդ
դեմքով, որը, սակայն, դեմքի արժեք չունի, քանի որ հարբերության մեջ չի
մտնում 1-ին ու 2-րդ դեմքի հետ ։ Օրինակ՝ *Սքնում է* 3-րդ դեմքի բայը չի կարող
ունենալ 1-ն և 2-րդ դեմքերի՝ *մքնում եմ, մքնում ես* ձևերը։ Բայական անդեմ
նախադասությունների գերադաս անդամը անորոշ դերբայն է։ Այդ նախադասու-
թյուններն արտահայտում են բնության երևույթներ, կլիմայական, ժամանա-
կային վիճակներ, բազմազան այլ հարբերություններ։ Օրինակներ՝ *Ամպել է,
տուն չի գալիս, մթնել է, քուն չի գալիս* /երգ/ : Կամ՝ *Սթնեց, լուսացավ, ցրտեց,
անձրևում է, ամպում է* և այլն։ Անդեմ նախադասությունները կարող են կազմվել
բառակապակցություններով, ինչպես՝ *կարկուտ է թափվում, շաղ է մատել, հուր-
հրատին է տալիս, արևին է տալիս, լույս է ընկնում* և այլն։

Ստքերի մեծ զեղչումներ են պարունակում անորոշ դերբայով արտահայտված
անդեմ նախադասությունները, որոնք ցույց են տալիս գործողության կա-
տարման պահանջ, հրաման, անհրաժեշտություն։ Մեքերենք Տերյանի «Մոռ-
անալ» բանաստեղծությունից մի հատված։

*Մոռանա՛լ, մոռանա՛լ ամեն ինչ,
Ամենքին մոռանա՛լ,*

Գ.Ջահուկյանը բայական այսպիսի նախադասությունները համարում է անվանականի մի տեսակ⁶։ Իրականությունից և չար մարդկանցից դառնացել է բանաստեղծը, կյանքը նրա համար կորցրել է ուրախությունն ու հրապուրանքը։ Նա իր տառապանքը, վիշտն ու դառնությունը արտահայտում է «Սոռանալ» բանաստեղծությամբ։ Մանավանդ «Սոռանալ» բառի կրկնությամբ ավելի է ընգծում իր դժգոհությունը և հեռանալու ու մոռանալու անհրաժեշտությունը։

Միակազմ նախադասությունների մյուս տեսակը *անվանական նախադասություններն* են։ Դրանց առանձնահատկությունն այն է, որ գլխավոր անդամը գոյական է, կամ գոյականի առում ստացած խոսքի մաս, կամ բառակապակցություն, որոնք դրվում են ուղղական հիւլովով և անվանում են առարկան, նրա գոյությունը, ցույց են տալիս առարկայի տարբեր վիճակները, դրանց հատկանիշները։ Արտահայտում են բնության երևույթներ, ժամանակ, ցուցակաություն, կրկնություն, բացականչություն։ Անվանական նախադասությունները կիրառվում են առանց բայական հանգույցի և չունեն քերականական ստորոգում։ Դրանց ստորոգումը կատարվում է հնչերանգով ու դադարով, և մեկ բառն էլ նախադասություն է կազմում։ Այսպես՝ *Օգոստոս։ Շոգ։ Փոշի։ Զամի։ Էջմիածին։ Կտրտված ծառեր։ 41 թվական։ Պատերազմ։ Վիշտ ու ավեր։ Ձոհե՛ր, գոհե՛ր :*

Տերյանը բազմաթիվ բանաստեղծություններում անվանական նախադասություններով արտահայտում է իր մտորումներն ու խոհերը, տխրությունը, վիշտն ու թախիծը։ *Մեզ, անձրև ու մշուշ /«Աշուն»/ : Սև գիշեր, և՛ հուշեր , և՛ խոհեր անհամար։ Տրտմություն մենավոր, միաձայն , միալար... Գիշե՛ր, գիշե՛ր, լռությու՛ն /ԿՏ , երկեր, 108/ : Այդպիսի բառերն ու բառակապակցությունները գործածել է մեծաթիվ բանաստեղծություններում, որոնք բոլորն էլ ցույց են տալիս առարկաների գոյությունը, լինելությունը :*

Անվանական նախադասությունները հաճախ ունենում են անվանական լրացումներ, ինչպես՝ *հնադարյան* բերդեր, բերդեր, քաղաքներ։

Անվանական նախադասությունները *ահա* բառի հետ արտահայտում են ցուցականություն։ Ինչպես՝ Շուրջդ *ահա գիշեր* ու *երգ, հանգի՛ստ, հեքիա՛թ,*

⁶ Գ. Ջահուկյան, Ժամանակակից հայերենի տեսության հիմունքները, ԳԱ, 1974։

ու երա՞զ /4S , երկեր, 103 /: Գեղարվեստական գրականությունը չափազանց հարուստ է բացականչություն ցույց տվող անվանական մախադասություններով: Դրանք կազմվում են զգացական ու կամային ծայնարկություններով և արտահայտում են խոսողի ու խոսակցի զգացմունքը, կամքը, վրդովմունքը, վիշտն ու զայրույթը՝ մարդկային ու բնության այլևայլ պայմաններում:

- Ա՛յ դու արյունոտ շտ, պազշո՛տ սրիկա՛,

Անխի՛դժ, անօրե՛ն, անանու՛ն սրիկա՛...

- Օ՛, վրեժ... /Եքս., I, 47 /:

Զեղչված, համառոտված անվանական մախադասությունները ստեղծում են ուժի հաճելի սեղմություն, պատկերավորություն, արտահայտում են մաև առարկաների առատ, շատ լինելը: Օրինակ՝ Ողջ դաշտավայրը լիքը *զո՛րք, զո՛րք, զո՛րք: Զինվորներ՛ր, հայրե՛ր, եղբայրներ՛ր, որդիներ՛ր*: Կտակներս մեր սուրբ հայրենիքին /ԴՂ., 945, 948 /:

Անվանական մախադասություններն ունեն մի այլ առանձնահատկություն ևս: Բացականչական հնչերանգով արտահայտված կրկնավորները ցույց են տալիս տազմապ, վախ, երկյուղ, վտանգ, օգնության կանչ, վրդովմունք, զայրույթ:

«-Էհե՛յ, օգնությու՛ն, հասե՛ք, օգնությու՛ն ...» /Եքս., I, 67/: Այլ օրինակներ՝ «Դավաճանություն՛ն, էհե՛յ, ծառանե՛ր, դավաճանություն՛ն» /նույնը, 110 /:

Ընդգծված անվանական մախադասություններում զեղչված են բայական հանգույցները:

Անվանական մախադասությունների մյուս տեսակները *բառ-մախադասություններն* են, որոնք կազմված են հիմնականում կամ մեկ բառից, կամ բառակապակցությունից: Դրանք գործածվում են երկխոսություններում, հարց ու պատասխանի ժամանակ: Բառ-մախադասությունը բխում է մախող մախադասության բովանդակությունից և արտահայտում է հաստատում ու ժխտում, համաձայնություն ու անհամաձայնություն: Խոսակիցը խոսողի խոսքից իբրև պատասխան վերցնում է բնորոշ այնպիսի բառ կամ բառակապակցություն, որոնք հասկանալի են դարձնում բառ-մախադասությունն ամբողջությամբ: Մեծածավալ զեղչումները այդ մախադասությունների բնորոշ առանձնահատկությունն են: Եվ չնայած մախադասության համառոտությանը, ունենում են հնչերանգային ավարտվածություն: Դարց ու պատասխանը միմյանց լրացնելով՝ խոսքը բնութագրվում է լիարժեք, տիպականացվում է խոսողի և խոսակցի ոճը, որը դառնում է պատկերավոր, կտրուկ, երբեմն՝ հուզարտահայտչական:

Բառ-մախաղասությունները լրացում չեն ունենում և մախաղասության անդամ չեն դառնում:

Բառ-մախաղասություն են կազմում հաստատական ու ժխտական եղանակավորող բառերը՝ *այո՛, իհարկե, ինչ խոսք, ինչպես չէ, իսկապես, անպատճառ, անշուշտ, հարկավ, այն էլ ոնց, հա՛, ո՛չ, չէ՛, բնավ, երբեք, ամենևին*, որոշ ձայնարկություններ և այլ բառեր:

Հաստատական բառ-մախաղասություններում խոսակիցն անմիջապես պատասխանում է խոսողի հարցերին կամ հաստատում, համաձայնվում է նրա տված հարցերին: Բերենք տարաբնույթ օրինակներ:

Այս թղթով դու հրաժարվու՞մ ես քո բաժին ժառանգությունից:

- Այո՛... /Եեժ., III , 415/: Այս բառ- մախաղասության մեջ զեղչված են ենթական, ստորոգյալը, միջոցի և անջատման անուղղակի խնդիրները, որոշիչը, հատկացուցիչը:

«- Դրանով դու կարծու՞մ ես՝ կվերջանա՞ Արշակունյաց թագավորությունը,- ձայն տվեց Թագուհին խորին վրդովմունքով:

- Այո՛, տիկին... /Բ., VII, 427 />: Այս բառ-մախաղասության մեջ զեղչված են ենթական, ստորոգյալները, ուղիղ խնդիրը, միջոցի անուղղակի խնդիրը, որոշիչը:

«Ապարապետը հարցրեց.

- Դու՞ ես պարսից արքայից արքայի դահճապետը:

- Այո՛, նվաստս է, տեր իմ.../ Բ., VII , 373/>: Ձեղչված են *պարսից արքայից արքայի դահճապետ* բառերը :

- Դու կամենում էիր, որ մինչև Վեհի գալը բանալիները քեզ մո՞տ լինեին,- հարցրեց թագուհին բերդակալին:

- Այո՛, մեծափառ տիկին /ՄԳՄ , 16 /:

Երբեմն հաստատական բառ-մախաղասությունները արտահայտվում են հարցական արտաբերությամբ, ինչպես մաս այլևայլ բառերով: Օրինակ՝ կարո՞ղ ես այդ նամակը ինձ մոտ թողնել :

- Ինչու՞ չէ /Բեժ, VII. 132/ :

- Դու եկար մախատելու՞ քո հորը, Սամվել՛, -ձայն տվեց մա հոգեկան խորին տանջանքներից հետո:

- Ո՛չ, հայր /Բեժ, VII, 509/ : Ձեղչված են ենթական, ստորոգյալը, ուղիղ խնդիրը, մատակի պարագան, հատկացուցիչը: